



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj:11-04-46892- 35 /23
Sarajevo, 28. 11. 2023. godine

SKUPŠTINA KANTONA SARAJEVO

- Ovdje -

n/r Okerić Elvedina, predsjedavajućeg Skupštine Kantona Sarajevo

PREDMET: Odgovor, dostavlja se

Cijenjeni,

Zastupnica u Skupštini Kantona Sarajevo **Vedrana Vujović** u skladu sa čl. 211. i 214. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka), dana 15. 11. 2023. godine, uputila je **zastupničko pitanje**:

“Pozdravljam aktivnosti projekta SchoolFood4Change i korake koje je poduzelo Ministarstvo za izradu novog Pravilnika o ishrani u školama u Kantonu Sarajevo. S tim u vezi, molim da mi odgovorite i dostavite informacije vezane za taj projekat, a koji se tiču:

- Članova i članica grupe koji učestvuju u projektu (ime, stručna sprema, specijalizacija)
- Partnere na projektu (domaće i strane)
- Obrazovno-odgojne javne ustanove koje će realizovati projekat
- Vremenski rok pripreme i implementacije projekta
- Očekivane rezultate (kratkoročne i dugoročne)

Također, zanima me da li će se vršiti edukacija nastavnog i tehničkog osoblja, roditelja/staratelja, djece i učenika o zdravijem načinu ishrane i pristupu hrani na bolji način, te na koji način se namjerava podići svijest o važnosti zdravijeg pristupa prehrambenim navikama.”

Odgovor:

Ministarstvo za odgoj i obrazovanje Kantona Sarajevo zahvaljuje se na Vašem interesovanju za temu ishrane učenika u osnovnim i srednjim školama u Kantonu Sarajevo, koja je izuzetno bitna za ovo Ministarstvo. Ministarstvo za odgoj i obrazovanje Kantona Sarajevo je krenulo u izradu novog Pravilnika o ishrani u osnovnim i srednjim školama Kantona Sarajevo kako bi se izvršila analiza Pravilnika o ishrani učenika u osnovnim i srednjim školama Kantona Sarajevo („Službene novine Kantona Sarajevo“, broj: 2/18), te na osnovu dosadašnjih iskustava u primjeni unaprijedila postojeća

pravna rješenja i prilagodila ih potrebama učenika, utvrdile norme koje će definisati modernizaciju sistema školske ishrane, koje će uskladiti rad školskih kuhinja sa međunarodnim preporukama i standardima EU, FAO, WHO, te ciljevima održivog razvoja UN kao i norme kojima bi se provele značajne reforme u načinu snabdijevanja, organizacije procesa, pripreme, isporuke i posluživanja hrane, obuhvatajući i sve ostale faze vezane za školsku ishranu.

U Komisiju za izradu Prijedloga Pravilnika o ishrani učenika u osnovnim i srednjim školama Kantona Sarajevo imenovani su sljedeći članovi:

1. Merima Mašić, predsjednica Komisije, diplomirani inženjer poljoprivrede i HACCP ekspert;
2. Irzada Taljić, članica Komisije, doktor poljoprivrednih nauka i vanredni profesor na Poljoprivredno-prehrambenom fakultet Univerziteta u Sarajevu;
3. Aldina Bukva Mahmutović, članica Komisije, predstavnik Ureda UNICEF-a iz Odjela za zdravstvo – Rani rast i razvoj djece;
4. Arina Bejdžić Kršo, članica Komisije, magistrica nauka upravljanja kvalitetom u zdravstvu, doktorica stomatologije i stručna savjetnica za javno-zdravstvenu djelatnost Ministarstva zdravstva Kantona Sarajevo;
5. Albina Čelik, članica Komisije, diplomirani sanitarni inženjer i kantonalni inspektor za hranu;
6. Senaida Halilović, članica Komisije, diplomirani inženjer arhitekture i profesorica na Arhitektonskom fakultetu Univerziteta u Sarajevu;
7. Amina Malkić, članica Komisije, magistar prava, ekspert za javne nabavke;
8. Amsar Hadžimujić, član Komisije, profesor sporta i direktor JU osnovna škola „Malta“;
9. Adisa Šuvalija, članica Komisije, profesorica razredne nastave i direktorica JU „Prva osnovna škola“;
10. Ajfa Čičkušić, članica Komisije, magistar prava i sekretar JU osnovna škola „Aleksa Šantić“;
11. Sandra Arapčić, članica Komisije, diplomirani pravnik i sekretar JU osnovna škola „Malta“;
12. Lejla Beridan, članica Komisije, magistra farmacije, predstavnik Vijeća roditelja učenika osnovnih i srednjih škola u Kantonu Sarajevo;
13. Ismar Selimović, član i tehnički sekretar Komisije, diplomirani pravnik, predstavnik Ministarstva za odgoj i obrazovanje Kantona Sarajevo.

Kao partneri na projektu uključeni su: Ministarstvo privrede kroz podršku malim farmerima i proizvođačima organske hrane za naše škole, UNICEF, Save The Children, UNDP i više od 15 međunarodnih projekata, projektnih partnera, gradovi Milano, Beč, Bordo...

Od 79 osnovnih škola u Kantonu Sarajevo, uspješno smo rekonstruisali školske kuhinje u svih 35 osnovnih škola koje imaju organizovani produženi boravak i time popravili uslove za pripremu zdravih školskih obroka za oko 3,000 učenika, te educirali osoblje u kuhinjama i upravama ovih škola.

Krajnji cilj ove reforme je da svakom učeniku obezbijedimo pripremu i posluživanje zdravog školskog obroka u školi, što za sada ima samo oko 7% učenika u osnovnim školama u Kantonu Sarajevo. U promjene uključujemo cijelu školu, sve učenike, učitelje, nastavnike i roditelje sa ciljem uključivanja cijele zajednice i opšteg poboljšavanja zdravlja i kvaliteta života. Pri tome se oslanjamo na EU strategiju Farm2Fork i usvojene Globalne ciljeve održivog razvoja UN, posebno Cilja 2 – Svijet bez gladi, obzirom da je istraživanje ishrane u školama u BiH, provedeno povodom Svjetskog dana siromaštva 17. oktobra, pokazalo da više od 50% učenika u školu dolazi iz socijalno ugroženih porodica.



Planirane aktivnosti za 2024. godinu su transformacija načina pripreme zdravih školskih obroka, podrška malim farmerima Kantona Sarajevo, tržišni dijalog i podrška razvoju catering kompanija i kuhinja – procesora hrane. Nastavljamo opremanje škola kroz razvoj i izgradnju prvih 10 školskih restorana, te povećavanje broja učenika sa 3,000 na 6,000, i cilj da do početka naredne školske godine obuhvat bude 15%. U programe uključujemo i srednje škole gdje ćemo provesti edukacije i istražiti uslove za razvoj i tehničko opremanje kuhinja i bolju ishranu učenika. Kao dugoročne rezultate očekujemo da naši učenici, ali i roditelji usvoje zdravi način prehrane, te na takav način smanjimo bolesti koje se razvijaju kod djece zbog lošeg načina prehrane.

Ministarstvo će svakako u narednom periodu u saradnji sa JU Institut za razvoj preduniverzitetskog obrazovanja Kantona Sarajevo, kao sastavni dio aktivnosti na projektu *SchoolFood4Change* vršiti edukacije nastavnog i tehničkog osoblja, naših učenika i informisanje roditelja/staratelja, kako bi usvojili i podigli svijest o zdravom načinu ishrane, kako u školi, tako i van škole.

S poštovanjem,



Dostaviti:

1. Naslovu;
2. Službi za skupštinske poslove Kantona Sarajevo;
3. Stručna služba Vlade Kantona Sarajevo;
4. Sekretar Ministarstva za odgoj i obrazovanje Kantona Sarajevo;
5. a/a

